

四季的花

春天的杜鵑

予無聊的山坪活起來
土地變甲真有力
膨鼠跳來跳去
親像活骨的囡仔
逐位拋轆斗

熱天的蓮花

予清涼的水田嬌起來
水面變甲真鬧熱
菱角鳥飛來飛去
親像下凡的仙子
四界巡田水

秋天的金針花

予青翠的山崙炎起來
滿山遍野黃錦錦
羌仔走來走去
親像咧俗人覘相揣
猴山仔三不五時來交陪

寒天的梅花

予孤單的山嶺芳起來
袂輸穿一領白色的山霧
蜜蜂從來從去
親像送批的郵差
佇無閒的過程享受甜蜜

四季的花

豐沛的美麗 嬌甲無地下